


مجموعہ احوالِ خیر

۱۷ نجی سنہ

جزو، عدد : ۵۷

محرم ۱۳۱۴





ايمپراطور برنجی ناپولئونك بر ياور حربنك خاطراتی

۲

اوسترلیچ سفرینك پلانی

مع مافیه (ویلنوو) - قورونیسه - ایله - قادیقس - ده اوقدر بیوک بر امیدى بوشه چیقاردیغی صرهده (بولونیا) ده هر درلو تنظیمات واستحضارات ختامپذیر اولمش بولنیوردی . بر طاقم مانورلر، ارکاب وانزال حرکتلری ، دکر اوزرینه متمادیاً نصب وعطف اولنان بیگلرجه، اندیشه آلود نظرلر، باش وکیلنه لیل ونهار بیان ایتدیگی بیگلرجه تخمینلر ، فرض وقیاسلر (ناپولئون) ی انتظار واقعتك خلیان شدیدی ایچنده اشغال ایلش ایدی . بویلهجه قوه خیالیه سنك بتون یایلری تامایله گریله رك ، دوچار اولدیغی اضطراب بی شکیانه ساقه سیله ۱۲ آغستوسده دونمایه ملحق ، یتمش بش سفینه یی (لاقروس) ك قومانده سنه تودیعاً انگلیز قره قول سفائی اوزرینه کمال مظفریتله هجوم ایتیردی . ایشته بوگون بر قاج ساعت قدر مانش قنالک یاریسی فرانسزلر ك زیرید ضبطنده قالدی ؛ انگلتره بسبتون ضبط واستیلا ایدلمگه یقین بولندیغی ظن ایدهر ك خلیان ایچنده قالدی ؛ « قالدهر » دخی محکوم ایدلدى . فقط (ویلنوو) ك عقل قبول ایدر درجهده اولیمان طور غولغی وبرآز صگردهده « قادیقس » طوغری فراری شایعه سی اوزرینه شان ظفرینه انگلترهده قالدی ! اوراده قویان نعره شادمانی بی

نابولئون دخى ايشيتدى ! زيرا فرانسزلرك جاسوسلرى ايله انگليز مطبوعاتى
 مشار اليه كندى پوسته وتلغرافلرندن ده سريغ اوله رق خبردار ايدوردى .
 عدم خشنوديسى ۷ آغستوس تاريخيله « فينيستهر » برونى محاربه سنك شيوعى
 اوزرينه ، كدر ومخزونيتى ده ايرتسى گونلر ، يعنى (ويلنوو) ك - فررول - ه
 كيرمش اولديغنى خبر آلب آنى اوراده محصور ظن ايدنجه باشلامش ايدى .
 ايمپراطور ، حالا تعميرى قابل اولان بويلك عدم اطاعت اوزرينه قيمت زمانى
 هر كسندن ابو بيلديكى حالده آميرالنىك آنك تقدير قيمتندن عاجز بولنديغنى
 وظيفه سنك عظمت ومهابتى ادراك ايتامش اولديغنى وشمى به قدر صورت
 حسنه ده اداره ايدلمش اولان شو وسعتلى درام ايچنده ، هم ده نتيجه نك تحققي قوه
 قريبه به كلدىكى بر صرمده ، وظيفه سنك اهلى اولميان (ويلنوو) ك كندى اميد
 وانتظارى بوشه چيقاره جغنى كوردى !

بو خبر ايمپراطوره ۱۳ آغستوس ده صباحلين ساعت درت قرارلرينه طوغرى
 (پون دوبرىك) قرارگاه ايمپراطوريسنده وارد اولدى . (داو) جلب ايدلدى ؛
 مومى اليه ايچرى كيره رك قومانداننىك چهره سنه ، باقدى ومتجب اولدى !
 ايمپراطورك وضع وطورى غايت قورقچ اوله رق ، شابقه سى گوزلرينك اوزرينه قدر
 اكيش ، نظرى آتش بوسكورمكه اولديغنى بكا مومى اليه سويلدى . (دارو) ي
 كورر كورمز هان اوزرينه يورى يه رك شتم وتوينج ايدرجه سنه بر صدا ايله :
 « ويلنوو ك نروده اولديغنى بيلورميسكز ؟ فررولده در ! آكلابورميسكز ؟
 فررولده ! آه ! آكلابورميسكز ؟ كيزلنك ايچون فرروله قدر گيتمش !
 تمام ايشته شمى اوراده تحت محاصره به آلنه جق ! نصل بحريه ! نصل آميرال ؟
 بوقدر فداكارلقلر نه قدر بوش يره ! » ديمشدر .

بونك اوزرينه هيچانى برقات دها كسب شدت ايدره رك بر ساعت قدر غضب
 وتهور محقانه سنى آجى تكديرلر وحزين كلاملردن مركب بر سويل خروشان ايله
 طاغتمق اوزره ايرى ايرى آديملره اوطنه سنى طولاشمشدر . بعده بردنبره بالتوقف
 (دارو) به اوزرى اوراق ايله مملو بر يازىخانه يي گوستره رك : « شورايه اوتوريكزده

یازیکر ! « دیمش و در عقب هیچ بر فکر ظاهری گوسترمکسزین، اصلا تحویل کلام ایتمکسزین صیقی، قیصه و حکمدارانه اولان شیوه مخصوصی ایله، هیچ تردد دخی ایتمکسزین مومی الیه (اولم) سفرینک ویانهیه قدر اولان پلانی استکتاب ایتمشدر! سواحل اردوسی ایکی یوز فرسخی متجاوز جبهه اوزرینه بحر محیطه متوجه بر خط تشکیل ایده رک ایلمک اشارتده یوزینی چویره جک، قیوریه جق، متعدد قوللر ایله طونیه یورویه جک ایدی ! یورویش امرلری، آنلرک مدتلری؛ قوللرک تمرکز ویا اجتماع موقعلری؛ باصقینلر، قوه جبریه ایله هجوملر؛ متعدد حرکتلر و دشمنک خطالری؛ الحاصل بوقدر سریع و ناگهانی اولان شو نسخه مستکتبه ایچنده هرشی تیقن و ملاحظه اولمش ایدی ! ایکی آی، اوچ یوز فرسخ وایکی یوز بیگی متجاوز دشمن، مفکرینی نتیجه دن تفریق ایدیوردی؛ مع مافیه زمان، مسافه، مواقع مختلفه، هرشی، امپراطورک شعله ذکاسی ایله تنویر ایدلمش اولان بتون بو استقبال آتلاندی ! حافظه سی قدر متین و امین اولان قوه تخمینیه سی دهـا (بولونیا) دن شو حرب متصورک وقایع و احوال اصلیه سی، بونلرک تاریخلری و نتایج قطعیله لری گوریوردی؛ بونلری (دارو) یه اودرجه امنیت و اطمنان ایله استکتاب ایدی که حتی وقوعلرندن بر آی صکره تحطیر طریقله ده آنجق بوقدر نقل ایده بیلوردی. محاربه میدانلری، مظفریستر، حتی بزم مطلقا (مونخ) و (ویانه) یه کیده جگمز گونلره قدر هرشی اوزمان سویلندی، بالاخره نصل وقوع بولمش ایسه اوزمان اویله جه یازلدی؛ همده وقعه دن ایکی آی مقدم، ۱۳ آگستوس تاریخنه مصادف گونک سالف الذکر ساعتده، شو سواحل قرارگاه عمومیسندده !

(دارو) قومانداننک ملهمات و مرتجالاتنه مألوف اولقله برابر، متعجب و متحیر قالدی. بالاخره بتون بتون بوتلقینات اولیه نک (مونخ) تاریخ دخولزه وارنجیه قدر هپ ایام معینه برر برر قوه دن فعله چیقدیغنی کوردکجه وله و تعجبی قات قات فراوان اولدی ! هر نه قدر (مونخ) ایله (ویانه) آره سندده نتیجه اعتباریه دکل، آنجق زمان نقطه نظرندن بعض اوافق تفک فرقلر ظهور ایتمش ایسه ده بونلرک هپی بزم استفاده مزی تأکیده خادم اولمشدر. اکثرا و بو وقعه دن چوق زمان

سکره . دائما عين تعجب و حیرت ایچنده قالان بو ناظر . نابولئونك ترتیبات واقعه‌یی صورت مکملدهه بالتبدیل دیگر خصملره قارشو گپرو دوندیگنی گورنجه تصورات و تخمیناننده کی اصابت ایله برابر اوقدر استحضارات عظیمه‌یی بلا تردد ترك ایدیور . سکره کی عزم و سرعت و متانت و مکانتہ دخی آریجه حیران قالمش اولدیغنی بگا تکرار ایدر طور یردی .

مع مافیه (دارو) به استکتاب ایدیلاں بو پلان مکتوم قالدی . ایمپراطور یگی بر امیدہ دها دوشمشدی . ۱۱ و ۱۳ و ۱۴ و ۲۲ آغستوس تاریخلری ایله اولان شدتلی و صوگ تعلیماتی بونك دلیلدر . بو تعلیمانده : « اوج ساعتك بر قرغشہ لغك اوقدر بیوك تصور وامللری هبا ایتسی بك معیوب اوله رق صورت شدیددهه ثبات ایتك اقتضا ایدیوردی ، غراوینا ، ذکاوت و فراست و عزم و متانتدن مخلوق بر وجوددر ؛ عجبا آنك طبیعتی و یلنوووده نیچون یوق ؟ هر طرفدن دوچار تهدید اولان انگلیزلر هر یرده طاغیلوب زبون اولدقلری زمان اوقدر جسور و شجیع بحریه افرادینك باشنده بولنان و یلنوو هر شینك حرکتسزك و جسارتسزك ایله محو اولسنه رضا گوستره جکمیدر ؟ نه دیمك ، اون سکر سفینه کندیسنی اون درت یلکنلی ایله محاصره ایتدیره جگمی ؟ »

۲۲ آغستوس تاریخچه (و یلنوو) و (غانوم) ه حالا بهوده یره شویله یازیوردی : « کیدیکز ! مانسه قدر واریکز ! بویله جه انگلتره بزم المزه کچه جك و آلتی عصر دنبری دوام ایده گلان محجوبیتلرك ، حقارتلرك انتقامی آله جقدر ! » ایرتسی گونلر آوستریادن کیتدکجه ولوله آور بر صورتده وارد اولان خبرلر ، (و یلنوو) ك فراری و (ده قرمس) ك عدم جسارت و مأیوسیتی ایله برابر حالا انگلتره حقنده کی عزم رصانتگیرنی ترك ایتماش ایدی . فقط نهایت ، آغستوسك صوگ گونلرنده آمیراللك تمیر قبول ایتمز بر صورتده ترك مسلك ظفر ایتدیگنه وثوق حاصل ایده رك سفره باشنده النده کی قدحنی قیروب : « بك اعلى ! مادامكه بواشدن واز کچمك ایجاب ایدیور ، اویله ایسه بزده نصف اللیل دعاسنی و یانهده دیگلرز ! » دیه حابقر دینی گورلدی .

بونك اوزرينه شهر جازينك يگرى اوچى تاريخيله (طونه) يه طوغرى تام
وناكهاني بر صورتده اجراسى مقرر اولان عودت حركتى ايله آيك يگرى
آلتيسنده آلتش بيك كشينك دها يگدن سلاح آلتته آلتسه متفرع اوامر
كاملاً صورت خفيه ده اعطا ايدلمش بولنديغدن، امپراطور انگلتره اوزرينه اسف
وكدورت ايله مشحون صوك بر نظر عطف ايدوب حدت و تهورينه مغلوب اوله رق
باشليجه يدى سبب اتهام بيان ايتدى كه، مجرم ومتهم اولان (ويلنو) بونلرله محكوم
ايديله جكدى . بعده هر شيئه جارى اولان حكومتى نفسى اوزرنده ده اجرا
ايدرك اعاده سكونت ايلدى ؛ آزاده مرات اوله رق يازيلان بر نوطه ده ترك
ووداع ايتك مجبوريتنده قالدني پروژه نك بيوكلكنى درميان ايتدى . اساس
فكرينى حفظ ونقله خادم اولق، امكان اجراسنى دلائل باهره سى ايله آيان ايدرك،
موفقيت و مظفريته نه درجه تقرب ايلش بولنديغنى ارئه ايتك اوزره آنك پلاتنى
دخى اجمال ايلدى . بو پلاتنى بر گون ينه فصل ونه يوله تعديلات اجراسى ايله
اله آلق قابل اوله بيلديگنى وبويله بر شيئه تشبث ايدنجيه قدر دونمانك نه صورته
استخدام اولمى اقتضا ايتديگنى اشعار ايتدى .

صكره دن ويرديكى تعليمات سائرده (روسيللى) نك - قاديقس - ده
ويلنووى بالاستخلاف قرق يلكنلى ايله دها تقويه اوله رق بحر سفيد اوزرينه
ايصال لوى حاكميت ايتمى آرزو ايلدى . بو امرك بالذات (ويلنو) معرفتيله
اجرا اولمى سندن متولد هزيمت وفلاكت آتيده گوريلور . فى الواقع (ترافالغار)
محاربه مشنومه سى بونك نتيجه سى اوله رق، بو محاربه ده (نلسون) وانگله برابر
فرانسز بحريه سى محو اولمشدر ! آرتق بوندن صكره فيلومز بولمى هرق المزد
بر قاچ اسقادر و قالمشدر . بو صره ده (ويلنو) طرفندن (فررول) صولرنده
ترك ايدلمش اولان (لالمان) قره قول سفانينك حركات مسعودانه سى باشلاوردى كه،
بوده (لالمان) ك بادي اشتهاى اولمقله برابر، ديگر اميرالك يأس و حرماتى
فراوان ايلدى .

ديگر دونماليك صورت استعماله گلنجه : بونلردن برى امريكا دكرلرينه تعيين

اولندی . بوراده ظن اولنورکه مبهم بر استقبال سوق طبعیسی (ناپولئون) ک
فکر وامعانی (سنت - الن) اوزرینه دفعه ثانیه اوله رق صورت خصوصیه ده
جلب وربط ایتدی ! بو آطه نك ضبط و تسخیر اولغسی امر ایتدیگی حالده بو
امری دفعات ایله تأیید ایتدی . او زمان شو قیا پارچه سنك ضبط واستیلاسنه
اویله براهیت ویر یوردی که ، مع التأسف صکره لری پک زیاده جالب نظر دقت اولمشدر !
نهایت ۱ ایلول تاریخیه ناپولئون (بولونیا) یی ترك ایتدی . آلتی گون صکره
بیوک اردونك مقابل یوروشی ابتدا ایتدی . ساحلر تکرار تنها وساکن قالدی ؛
کافه سی بحریه مزه ترك اولندی . ایشته ایمپراطور مرکز تصمیمات و ترتیباتك الك
بیوک واک مهمی اولان بر شی ، فوق العاده مهارت و عظیم بر جد و غیرت ایله تهیه
ایدلمش بولنان بیوک بر پلان بو صورتله متواری خاك خسران اولدی !

جنرال قونت دوسه گور

